

daang eabáw sa sang bilog ro munók, do tawo ag do maya. Tungod kará wa't kinahangean eon nga butangán pa it mga.

(c) Ro *adjetivo* wa't pag baylo; kon anó ro gina gamit sa singular maw man do gina gamit sa plural, nga wa't maski anong gina umán. Pananglit: Limang ka *bag-o* nga baeáy. Bangúd kará, mahimo natong masinghan nga ro *adjetivo* hay owa't plural sa inakeanón, nga kamana ku sa ininglés nga wa't pag baylo maski nasa plural do anang o gina pahanungdin. Pananglitan: "The new book", "the new books."

(d) Ro *articulo* sa binisayá hay wá man it pag umán, kamana sa inglés. Maathagán raya sa masunód: (singular) Ro banwa nga akong natawohan gina ngaeanan nga Kalibo. (Plural) Akong naadtonan do tanáng (mga) banwa sa Akean.

(e) Ro mga *pronombre* o hambae nga atong gina sal-i sa mga ngaean it bagay o butáng, hay may dugalingon mga plural, kamana sa ininglés ag kinatsilá:

Paathag:

Singular:

Ako-akon
Ikaw-imo
Imaw-ana

Plural:

Kami o kitá-amon o aton
Kamó-inyo
Sanda-anda.

(f) Ro *verbo* sa binisayá hay kaumlíng haeus ku sa ininglés nga wa't pag umán; buot singhanon, nga kon anó ro *verbo* nga gina gamit sa